

得獎作品欣賞

作者：丁國智

中語系 89 級校友

地水集(第十五屆南瀛文學獎古典詩類佳作)

夜歸

歸途昂首看明月，堪笑勞勞逐日忙。
天下英雄誰淡泊？塚中枯骨亦清狂。
紅塵萬丈悲歡宴，青史百年更替場。
此夜無人同此路，長歌白雪對炎涼。

奉贈旻桂

分從氣態辨愚賢，好美如斯毋太謙。
縱未高談雄稷下，也應不愧在廬前。

雜感

婆心枉自作雲煙，警策都成酸腐言。
冷水煮蛙今未沸，汝曹鼎上自陶然。

眼看

眼看勢局入明夷，塊壘難平只皺眉。
直道而行雖不悔，是非苦處力難為。

六言二首

往事依稀風裡，紅塵還有餘哀。
再見閑談如故，真心碎落塵埃。

其二

新月多情應笑，小樓今夜無眠。
迷惘當時笑語，都成縹緲飛煙。

固羨

固羨石崇富，也甘原憲貧。
但從吾所好，寧與海鷗親。

歸家

半年難得一歸家，幾度塵埃添歲華。
獨立斜陽觀暮色，有風吹動眼前花。

論文發表遭拒而書

墨守報殘真板板，謀開蹊徑不容群。
垂雲壓破天沉重，地氣狂迴木亂紛。
時此孤危成逐客，焉知誰識拜將軍。
一廬安命原容易，厭同俗子競時文。

樹下見滿地落葉感賦

因果非玄理，來去有定科。
草木逢時鬱，序後飄零過。
人生亦如此，窮達不奈何。
感此啞然笑，慷慨一高歌。
神仙富貴云，千年有幾多？
出處循真我，也不算蹉跎。

夜上陽明山感離家北上八年矣(第十屆台北文學獎成人組古典詩優選)

夜上陽明山感離家北上八年矣

每憶家山慨自深，前塵回首夜登臨。
好風拂面秋微冷，倦客思親愁不禁。
老驥誰知孤寂志？伏龍當有縱橫心。
雲間瞰望京華影，燈火流金點點沉。